

27/1992, do 24 de novembro, de portos do Estado e da mariña mercante, modificada pola Lei 62/1997, do 26 de decembro, redactou o Plan de utilización dos espazos portuarios do porto de Meloxo en setembro de 2003.

Segundo o previsto na lexislación vixente, o citado plan foi tramitado polo ente público Portos de Galicia. Como resultado da tramitación do expediente, o Plan de utilización do porto de Meloxo foi modificado en marzo de 2004.

En reunión do Consello de Administración de Portos de Galicia, do día 1 de abril de 2004, e en cumprimento do disposto no artigo 13 e) do Decreto 227/1995, do 20 de xullo, polo que se aproba o Regulamento do ente público, modificado polo Decreto 83/2002, do 28 de febreiro, e co artigo 96 da Lei 48/2003, de réxime económico e de prestación de servizos nos portos de interese xeral, acordouse darlle conformidade ao Plan de utilización dos espazos portuarios do porto de Meloxo, así como elevalo e propoñelo para a súa aprobación.

Tendo en conta a consideración efectuada polo Servizo de Urbanismo e Inspección Territorial da Consellería de Política Territorial, Obras Públicas e Vivenda efectuada no informe recibido en data 7 de xuño de 2004, en data posterior á da celebración do mencionado Consello de Administración, no sentido da necesidade de cambiar a denominación da zona náutico-recreativa pola de náutico-deportiva, modificación que se efectuou no plan de utilización aprobado, dando como resultado unha nova e definitiva redacción del con data de xuño de 2004.

Tendo en conta que o cambio indicado no informe de urbanismo supón unha simple corrección de orde nominal e que non representa ningunha alteración dos usos previstos no plan de utilización que o Consello de Administración de Portos de Galicia propuxo para a súa aprobación.

Visto o expediente e o informe proposta do técnico da Área de Explotación e Planificación de Portos de Galicia, así como o acordo do Consello de Administración do ente público dándolle a conformidade ao Plan de utilización dos espazos portuarios do porto de Meloxo e acordando elevalo e propoñelo para a súa aprobación.

O presidente do Consello de Administración do ente público Portos de Galicia, por delegación do conselleiro de Política Territorial, Obras Públicas e Vivenda, conferida por Orde do 21 de novembro de 2002,

RESOLVE:

Aprobar o Plan de utilización dos espazos portuarios do porto de Meloxo (Pontevedra), redactado en xuño de 2004 pola enxeñeira de camiños, canles e portos Guiomar Cabezas Martínez e pola enxeñeira directora Ana Isabel Calzadilla Bouzón.

Santiago de Compostela, 13 de xullo de 2004.

Carlos Negreira Souto

Presidente do ente público Portos de Galicia

INSTITUTO GALEGO DA VIVENDA E SOLO

Cédula do 16 de novembro de 2004, da Área Provincial de Pontevedra, pola que se lle notifica a Manuel Rodríguez Boubeta, o requirimento de pagamento acordado no expediente de desafuizamento administrativo P-012/03.

De conformidade cos artigos 59 e 61 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, despois de intentada a notificación persoal no último domicilio coñecido, emprázase o interesado que se sinala no anexo para ser notificado por comparecencia na que se lle dará coñecemento do contido íntegro do acto que se notifica.

A comparecencia deberá efectuarse ante o órgano de tramitación, Sección de Inspección e Sancións do Instituto Galego da Vivenda e Solo, situado na rúa Alcalde Hevia, nº 7, 36071 Pontevedra, nun prazo de dez días contados desde o seguinte ao da publicación desta cédula.

Transcorrido o dito prazo sen efectuarse a comparecencia, a notificación entenderase producida desde o día seguinte ao do vencemento do prazo sinalado para comparecer.

Pontevedra, 16 de novembro de 2004.

Andrés Iglesias López

Xefe da Área Provincial de Pontevedra

ANEXO

Expediente: PO-832 (expte. desaf.: P-012/03).
Cta.: 67.

Nome: Manuel Rodríguez Boubeta.

Enderezo: avda. de Castelao, nº 28, 3º A, en Vigo, Pontevedra.

Impago débeda: 317,52 €.

b) DA ADMINISTRACIÓN LOCAL

CONCELLO DA CORUÑA

Anuncio (MPP-2/2004).

O Pleno do Concello, en sesión que tivo lugar o día 2 de novembro de 2004, adoptou, entre outros, o seguinte acordo:

Primeiro.-Desestimar a alegación formulada pola *Asociación de Veciños Uxío Carré de Eirís*, representada por Manuel Vilaboy Ramil.

Segundo.-Estimar as alegacións formuladas por Manuel Iglesias Bermúdez e outros, Esther López Pérez e Antonio Viqueira Pena e Pilar Sánchez Bestilleiro.

Terceiro.-Aprobar definitivamente o documento relundido da modificación puntual ao sector de solo



urbanizable S-6 Eirís, presentado no rexistro municipal o 19 de outubro de 2004 e promovido por Julio Álvarez Conchado en nome e representación de *Conchado e Asociados, S.A.*

Este acordo pon fin á vía administrativa, e pódese interpoñer contra o recurso contencioso-administrativo perante a sala correspondente do Tribunal Superior de Xustiza de Galicia, no prazo de dous meses a partir do día seguinte a aquel en que se practicou a notificación ou a publicación; todo iso de conformidade co artigo 46 da Lei da xurisdición contencioso-administrativa, do 13 de xullo de 1998, sen prexuízo de calquera outro que se considere pertinente.

Os gastos desta publicación serán por conta do promotor.

A Coruña, 5 de novembro de 2004.

Francisco Javier Losada de Azpiazu
Concelleiro delgado de Urbanismo

CONCELLO DE PADERNE

Anuncio.

Contratación da obra de formación de praza nas inmediacións da casa do concello, 2ª fase e da obra de formación de área recreativa no centro de saúde.

1. Entidade adxudicadora: Concello de Paderne.
2. Obxecto do contrato: realización da obra de formación de praza nas inmediacións da casa do concello, 2ª fase segundo proxecto técnico e da obra de formación de área recreativa no centro de saúde, segundo proxecto técnico.

3. Tramitación, procedemento e forma de adxudicación.

- a) Tramitación: ordinaria.
- b) Procedemento: aberto.
- c) Forma: concurso.

4. Orzamento base de licitación: 179.087,56 euros.

5. Prazo de execución: 6 meses.

6. Garantías.

- a) Provisional: 2% do tipo de licitación.
- b) Definitiva: 4% do importe de adxudicación.

7. Clasificación: grupo G, subgrupo 6, categoría c) e grupo k, subgrupo 5 e 6, categoría c).

8. Información, exposición de pregos, documentación complementaria e obtención de copias.

Na Casa do Concello de Paderne, rúa Consistorio nº 10 Paderne (15314). Teléfono: 981 79 70 01, fax: 981 79 70 35.

De conformidade co disposto no artigo 122 do Real decreto legislativo 781/1968, os pregos quedan sometidos a exposición pública polo período de 8 días hábiles, contados desde o día seguinte á publicación deste anuncio no BOP, e poderá ser consultado no rexistro xeral de 9.00 a 14.00 horas, para os efectos de reclamacións.

9. Presentación de proposicións.

No rexistro xeral do concello en horario de 9.00 a 14.00 horas, durante 26 días naturais, que come-

zarán a contarse desde o día seguinte ao da última publicación do anuncio de licitación no BOP ou DOG.

10. Documentación.

A que figura nos pregos.

11. Apertura de propostas.

Ás 12.00 horas do primeiro martes seguinte ao día no que remate o prazo de presentación de proposicións.

12. Gastos de anuncios: o adxudicatario estará obrigado a pagar os gastos de publicación de anuncios nos diarios oficiais.

Paderne, 30 de novembro de 2004.

César Longo Queijo
Alcalde presidente

CONCELLO DE PARADELA

Edicto.

O Pleno corporativo municipal, en sesión extraordinaria do 29 de novembro de 2004, aprobou inicialmente o Plan Xeral de Ordenación Municipal de Paradelá; para efectos do establecido no artigo 85.2º da Lei 9/2002, do 30 de decembro, ábrese un trámite de información pública polo prazo dun mes, durante o cal as entidades e os particulares poderán presentar as suxestións e reclamacións que consideren oportunas.

De conformidade co establecido no artigo 77.2º e 3º, parágrafo 21, da Lei 9/2002, do 30 de decembro, suspéndese o procedemento de outorgamento de licenzas, cunha duración máxima de dous anos contados desde a data de aprobación inicial, naqueles ámbitos do territorio obxecto de planeamento nos cales as novas determinacións do plan supoñan unha modificación da ordenación urbanística vixente.

Paradelá, 1 de decembro de 2004.

José Manuel Mato Díaz
Alcalde-presidente

CONCELLO DA POBRA DO CARAMIÑAL

Anuncio.

O Pleno da Corporación, en sesión extraordinaria realizada o día 2 de decembro de 2004, prestou aprobación inicial o Plan Xeral Municipal de Ordenación.

O que se fai público en cumprimento do disposto no artigo 85.2º da Lei 9/2002, do 30 de decembro, de ordenación urbanística do territorio e protección do medio rural de Galicia, co fin de que os interesados poidan, durante o prazo de dous meses contados a partir do día seguinte ao da publicación do presente anuncio no DOG, presentar as alegacións que consideren oportunas.

A Pobra do Caramiñal, 2 de decembro de 2004.

Isaac Maceiras Rivas
Alcalde-presidente